



光緒庚辰刊

讀書錄

蘭谿歷代人物攷

吳演綸 時顯

夫以蘭陰靄鬱蒼龍占佳氣之儲穀水流長激豔敷

文波之麗是當極數千年之鍾毓綜幾百輩之丰稔

若則為忠臣若則為孝子若則有吏治若則有文章

大概臚陳悉供考核然而人才踵起時代屢更祇湖

風流誰為月旦苟無別部分居之見難免言咷事雜

之譏故集錦繡之千端在區其類斯叶宮商於一片

適觀厥成準此蓬心用抒管見 蘭陰山在縣西南其山多蘭故名太平寰

浙江蘭谿人物考

字記一名橫山 穀水即穀水也其源有二一自衢

城東北流至縣謂之衢港一自婺城西流至縣謂之

婺港二水合而匯於縣之西南類羅穀紋故號穀水

崖多蘭苳又名蘭溪漢書地理志及酈道元水經注

均稱穀水按穀穀古通段字左傳先穀公穀作穀又

卻穀士穀釋文本皆作穀今志以穀作穀蓋根據實

字記廣 輿記也 粵自分隅作縣肇於李唐閱世生才盛乎炎

宋由明代以湖元代蔚起人文自仁山而逮楓山昌
明聖學吳禮部推求道派旨晰萬殊范香溪疏濬心
源箴編四字以及楊船山之淵懿張伯誠之冲融黃
白露以義理自維徐魯源以性命為任此皆近探程

朱之奧遠企鄒魯之風固已光啟我邦而祀崇累代

者矣蘭谿本金華之西部三河成舊有戍兵唐咸亨五年於戍置縣大曆十三年升為緊縣宋升為

望縣元貞元年以江南諸縣戶及五萬者為州蘭谿戶四萬有奇遂升下州均隸婺明洪武三年復為

縣金履祥字吉父少好學有經世志年十九知濂

洛之學遂棄舉子業從魯齋王文憲游又從文憲登

北山何文定之門何王之學本於勉齋黃幹得朱子

真傳受授源流粹然一出於正晚歲築居仁山下講

道著書以淑後進學者稱為仁山先生卒諡文安

國朝雍正二年從祀兩廡章懋字德懋號闇然居

士學者因其講學楓木山中稱曰楓山先生其學以

濂洛關閩為宗於書無不讀而專務實踐言必根志

志必先用心必赴功嘗謂心宜大又宜小大以窮理

小以慎獨明天順壬午以易魁鄉薦成化丙戌禮部

浙江蘭谿人物考

試第一官至禮部侍郎卒贈太子太保諡文懿萬曆

間疏題同何王金許四先生並祀正學祠吳師道

字正傳弱冠閱真西山讀書記有志為己之學嘗以

持敬致知之說質許謙謙復以理一分殊之旨由是

往復詰問造詣益深元至治元年登進士以禮部郎

有就正於撝堂船山麓識伊洛淵源之語張潤之
號思誠子從北山何氏游三十年盡得北山之學輯
近思錄發揮未就而卒仁山繼成其書嘗稱其爲朱
門嫡孫先生被服樸畧人視之一岩谷叟耳而天材
駿利襟度融朗有浴沂詠歸氣象按潤字伯誠黃
溥字夢弼號白露生而穎異讀書過目輒成誦從楓
山游潛心義理之學登宏治庚戌進士授江陰令有
神明稱尋授御史朝貴聞其風裁相戒斂避未幾以
病歸鄭北園贊其像云義理之學尋流求源直欲上
沂朱程惜乎年壽不永竟不遂其平生徐用檢號
魯源嘉靖壬戌進士通籍三十年清操始終如一四
方敦請講學以道學性命爲已任陝西廣東江西名
宦祠皆祀之若夫昭昭大節氣肅風雲耿耿孤衷光
昱祀鄉賢祠

爭日月則有陸忠定之抗疏唐元章之死綏一當宋
浙江蘭谿人物考

三

德祐之終仗義興師致命於白雲寺側一當明武宗
之世銳志鋤佞埋冤於錦衣獄中介馬疾馳歸元而
顏色如生者王肇坤也批鱗敢諫論儲而風節凜然
者章景南也他如吳忠靖挺身決戰陳司馬具服告
終杜若川晦跡矯形陳元達抽刀斷髮章美含孝以
事君冒煙瘴而不辭勞瘁趙文懿心惟爲國在牀褥
而猶草諫書合表三忠龔通政與良佐諸君同捐軀
於土木抗懷雙義唐將軍以元章猶子尤著烈於仙

霞雪冤受冤白石弔范公之塚被屈不屈金陵樓唐

掾之魂此則攷歷代之忠貞而有若而人者陸震字汝亨號

鶴山從楓山游慷慨有大志登正德戊辰進士歷遷

車駕司員外郎時江彬怙權車駕巡幸震抗陳仁義

諸疏幾獲重譴廷臣申救得免己卯春彬復勸上南

巡命下中外洵懼變莫測震遂與同官黃鞏疏陳

六事請斬江彬以謝天下彬矯旨下震錦衣獄拳枯

跪於廷五日三訊三杖而死時霾霧四塞晝晦如夜

水溢內海子玉河七鐵柱齊折如斬僉曰此天意示

變嘉靖初贈太常少卿遣使予祭錄其子體仁為通

政司知事立專祠曰褒忠崇正時諡忠定並祀本府

三忠祠 唐元章一名太初字子煥宋文思院官德

祐末二王南遷元章與姪良嗣起義興復時元兵壓

蘭谿元章與戰於黃湓灘破之斬其將奚達魯元兵

浙江蘭谿人物考

四 退保桐廬遂進兵拒守嚴州朝廷以元章知嚴州相

持二年糧援不繼戰死於龍游白雲寺前 王肇坤

字亦資崇禎辛未進士累遷江西道御史奉命巡視

山海居庸兩關簡閱兵馬時羽書告急所在震動或

謂閱臣無守土責坤厲聲曰既為臣子敢分官守耶

即日介馬馳赴適營兵以四調出戰守不支坤身中

四矢兩刃而死事聞命有司斂其骸面如生賜祭葬

加贈大理寺丞諡忠愍 章適字景南嘉靖丁未進

-5 195 35 930" data-label="Text">

士仕至禮科給事中時世宗諱言倦勤無敢論及儲

君者适慨然進東宮講讀疏人服其風節懷悼 吳

世鳴宋季官錢塘令時元顏駐軍江沙世鳴挺身出

戰死之勅封忠胡公有家祠在五峯庵右 陳自中

字與可宋咸淳戊辰及第德祐丙子二王南遷自中

以大都督府行軍司馬拒守分水關食盡援絕元軍

欲降之不屈朝服南面再拜而死 杜濬之字若川

宋領鄉貢易世後感激自悼矯形晦迹寄食西峯僧

寺以終 陳達字元達自中之孫父萍仕元爲宣政院使達自少微入宿衛立朝謇諤嘗劾禿魯帖木兒忤旨免官歸僑居永嘉明師下温州達自沉於淵軍士引出之持佩刀自裁軍士奪之乃斷髮示無用安置濠州遇赦還蘭谿病風痺聞有薦於朝者却藥弗御卒蘇伯衡表其墓有云一門之內百歲之間風烈相終始所謂世篤忠賢者哉 章自炳字美含號帖梅事親孝父病劇刲股格天延壽逾紀天啟乙丑進士歷官俱有聲粵徭發難命監軍兩廣運策制勝寇遂平以久滯瘴鄉成疾又值龍南妖教煽眾炳深入搗其巢悉擒妖叛病增劇嘔血數升而死祀江西名宦 國朝康熙十四年崇祀鄉賢及忠義等祠 趙志皋字汝邁號穀陽隆慶戊辰進士第三後居首輔十餘年不植黨不怙權屢疏求退不允然已病不能視事身在牀褥而於罷礦建儲諸大政數力疾疏爭卒贈太傅諡文懿 龔全安永樂甲辰進士累遷通

浙江蘭谿人物考

五

政司左通政正統十四年與同邑包良佐童存德扈駕北巡並死土木之難英廟復位加贈全安通政使錄其子廷輝爲刑部照磨良佐存德亦各有恩廕俱祀鄉賢按良佐正統壬戌進士官吏部給事中存德乙丑進士官御史 唐良嗣字昌之元章姪也宋建德軍準備差遣以圖興復功加閣門宣贊武翼將軍江准閩浙都統兵馬使元章戰歿元主帥峻都以雙虎符金牌招良嗣不受亦戰死於江山仙霞嶺時稱兩義士今嶺上有唐將軍廟存焉 范洵字茂仁與兄浩同登宋政和八年進士累官大理寺正紹興間詔治岳飛獄洵力辨其冤忤旨棄官歸至嚴州白石灘被害卽葬其處 唐元嘉字德顯元章之元孫元至正甲午登第累遷浙江省掾至正末從左 至若循丞劄刺罕節制金陵兵敗被執不屈而死

義名里純孝稱鄉問厥所由亦皆有自蓋以陳君舉

葬親而霧雲障暑董少舒負土而芝草發祥亦越金
公尤多孝感荒禽野鼠馴致其旁怪電猙風勿犯其
里夫是故合三賢以同祀應八行而刊碑若夫章治
尋醫虎不爲害趙漢求膳蟹且自浮祝翽棄貨而抱
棺洪水旋落陳君積忱以廬墓異笋忽生皆所謂孝
可格天誠能動物者矣推之邵統之覓利博歡嚴宜
之忍飢護養唐熊之起居必敬鄭賜之啜唾皆親郭
子彥痛遇嫌名輒掩卷而流涕徐伯誠皈依活佛嘗

浙江蘭谿人物考

六

臨座以焚香九年不御旨甘則有董孝廉之哀慕焉
百里勿忘歸養則有李文偁之誠摯焉昇輿娛老則
有潘時循之敦行焉讓田推愛則有胡仁甫之純風
焉而且諸葛寶質身脫父章瑗度拚命救親祝順孫
口難自餬奉阿翁而必敬徐殷夫氣將垂絕侍老母
而猶虔割股以成反哺之仁有不第堯民之足湖吮
癰以療沈疴之苦更非特金洙之可稱也哉此則攷
歷代之孝友而有若而人者

循義里舊名建業純孝
鄉舊名望雲在縣下西

鄉十一都至十六都地宋淳熙六年郡守韓元吉以鄉有陳天隱董少舒金景文三孝行乃表其鄉曰純孝里曰循義陳天隱字君舉端重好學父早卒事母馮氏以篤孝稱母卒將葬於三峯陽時六月赤日如焚先期禱乞雲霧覆棺已而果應葬畢雲散人皆異之廬於墓側坵面蔬食終三年喪大觀時旌其門董少舒字師仲世業儒篤行著於鄉黨父亡負土築塋自廬其左有靈芝生紫蓋黃幹宋宣和五年郡守范之才表於朝詔恤其家明學士宋濂有贊云靈芝煌煌駿發爾祥蓋紫幹黃於煜有光有倬董君德聲斯不忘金景文字唐佐少有大志力學而不求聞達與妻包氏竭誠事其祖若父祖患瘖醫不能療景文虔禱卽瘳及父患疽祈以身代亦尋愈喪母廬墓夜見天光下燭五色爛然後廬父墳烏鼠馴其旁無怖狀風雹環四隣獨不入其舍人均以爲孝感所致宋濂贊有云天光下燭五色燦然五色之燦未足

浙江蘭谿人物考

七

爲偉怪電殭風勿犯其里苟匪中忱曷以臻此宋咸淳四年知縣沈應龍以公及陳董二公名請於朝廷祠學官後名三賢祠仍以其德應入行立八行碑章治母病尋醫途遇伏虎直前不顧卒無所害趙漢事父孝父病思蟹時當盛夏漢顛拜澱灘蟹浮出持歸奉父病因以愈士人贈詩有雙蟹難逢六月天之句祝翺就舍售貨母柩攢寄黃溢難洪水泛溢翱憑柩而不顧頓貨水落而柩存焉陳朝京父病焚香割股願以身代父沒廬墓墓左無竹而忽生笋邵統奉父先意承志每日以生理所得微利供父博盡飲食歡鄉里呈其孝行時與趙漢同受府道嘉獎嚴宜父名聳傾資入監宜隨父赴都父歿於途不能扶輓附客舟多方得歸殯葬盡哀母臥病十五年同妻周氏忍飢護養不分久暫府道各獎之唐熊字虞弼龍弟也性澹泊躬修孝行母年老失明熊起居必敬扶持不離左右母安其養鄭賜母老瘋

疾在牀數年凡衣食起坐無不迎志承歡夜則捧足而臥雖溲溺洩唾皆躬親之 郭美字子彥號越濱博學甘貧事父母能孝父名芝讀書遇芝草芝蘭字輒掩卷流涕 徐禱字伯誠用檢父也性孝友公財讓產善成父志時人每率錢奉佛禱曰吾自奉活佛問活佛何在曰堂前父母即活佛也居常晨起問寢輿訖梳洗出客座焚香酒掃整衣冠爲母祈年暇或會遊返必面母道所遊景以博娛笑數十年如一日其弟袍禱初並有懿行 董暈事父母及生母以孝養聞三喪九年不御酒肉不入內寢雖衰絰已除而哀慕不替縣令疏其事於朝以貢格異等授思南府推官其從父遵故有孝行時稱一門二孝廉 李文俚家貧爲人傭代徭役每於百里外負米歸養後作客積漸饒裕濟窮恤困會創於寇凡親隣所貸悉焚其券邑令以孝義褒之 潘琢字時循性至孝父喪毀瘠骨立酒肉不入口者三年母患風痺痺痲痲疾痛

浙江蘭谿人物考

搔摩梳洗皆身理之母久臥思起製軟輿與弟昇之惟母所適如是七年母沒廬墓九年人過者必指稱潘孝子廬有司顏其門曰孝行 胡擇字仁甫嘉靖乙酉舉人居官廉謹練達人以法家老吏稱之致政歸宦篋蕭然幾不自給裕如也平居孝友讓田於兄弟尤有純厚之風 諸葛寶字珍之弱冠隨父客山東遇盜執其父欲殺之寶給盜曰吾父資本若干金收藏某所請拘我爲質誣則殺我盜許之父以無金遠巡未行寶耳語曰去則尚全一生不然父子俱死無益也父由是得免而寶爲盜所殺 章瑗度父名有成明季兵亂繡有成拷索藏金痛楚不忍乃給至井脫身投入瑗急從之下戴父出首於水隣人以繩引之得不死再引瑗則氣絕矣人義之爲築亭曰義井亭 祝昇生有至性事祖孝敬適遭火災幾無以爲生不分任於叔人稱爲孝子順孫 徐學質字殷夫用檢長子萬厯己卯舉人其父任河藩母在家臥

疾數載百計求醫露禱乞代湯藥必躬親之寢食俱廢以致困憊命將垂絕每旦猶整衣冠問視方伯馮公稱其爲古之純孝方堯氏母有疾割股療之母歿廬於墓趙志舉曰割股療母忘身事親嗚呼孝子反哺之仁按嚴崇善徐大吏俱割股救親金洙父沒廬墓其幼子伴母家居不戒於火洙急於救母不及救兒母患火瘡洙以口吮之朝夕無間又陳瓊王鳴鴻並著爲親吮疽事

且史館傳纂

循良聖門才推從政則有唐文襄總制三邊殊功屢奏郭時斗削平諸寇方畧親裁徐良能之宰安吉也賑災除賦而像繪學宮范士表之攝衢州也禦寇全民而歡臚道路止官驢以杜眾累吳德基則惠及維浙江蘭谿人物考

九

州斬妖蛇以禁巫風諸葛旣則政昭趙郡潘無愧以學問持身文雅飭吏而薦牘交推姜廷器謂視民猶己治官如家而書楹自表且也鄭司理絕暗投之賄聿著廉聲趙郎中承清獻之風亦稱鐵面聞名而輒呼佛子胡使君治主省刑被德而奉爲稷神童長官利開力穡吳靜之好示旌勸割俸以給善良徐益庵斥絕餽遺指衣以喻污墨文書山積陸體仁判決以無畱冤獄井湮祝存禮推鞫而卽雪且夫來暮之歌

去思之頌循吏所由稱也時則有若趙克長陸舜卿
焉乞畱之疏尸祝之馨盛軌不數觀也時則有若葉
虛室趙石梁焉單騎見虜傳檄定邊古人之殊畧也
而章少保之解羣獠徐都憲之靖泊釁有焉輕舟突
圍三箭降叛前事之偶見也而唐制置之勞王師陳
宣慰之懾蕃部有焉又或祝珍卿才堪決滯他郡皆
就以質成唐中廓明可燭幽冥途亦對之執訴鄭北
園之調荒政有父詒謀章景德之煦仁風與兄競爽

浙江蘭谿人物考

十

以及范茂寬之平恕姜幼章之詳明周至和之賢能
陸温夫之敦雅唐伯寵之句稽利弊邵以先之屏黜

貪庸吳子立之恪慎居官諸葛峴之老成練事此皆

歷代吏才之可攷者也

見龍字虞佐號漁石正德戊辰進士歷官至吏部尚書卒

贈少保諡文襄嘉靖十一年陝西大饑吉囊擁臨邊延綏告警公以兵部尚書總制三邊軍務兼理賑濟時吉囊居套中西抵賀蘭山限黃河用牛皮爲渾脫渡入山後俺答亦自豐州入套爲患公振兵巡邊旬月之間露布三上郭時斗字文起萬歷間選貢授清遠知縣廉潔有爲除璫稅之苛蛋戶之困百姓如出湯火尋擢潯州推官時五指山剗賊韋公廩連諸洞入寇斗募忠義授以方畧元旦賊晏臥兵進盡行

襲滅之又廷議改流女官秦氏抗命亦以計生致之
徐良能字彥才宋紹興五年丙科進士仕至龍圖
閣待制封蘭谿縣開國男其知安吉時竭力賑艱食
之民除水災之賦民爲繪像祀於學宮及刻石紀其
政 范士表字叔端宋嘉熙戊戌以別院亞選登第
嘗倅於衢適郡有嘯聚爲亂者守懼委印去人心大
震士表攝郡事籌畫守備登城撫勞益兵進誅郡賴
以全軍民懽呼曰我輩若無范權州皆魚肉矣後功
未賞公論惜之 吳履字德基後邁有奇才洪武初
薦授南康縣丞南康俗悍始猶易視履居數月摘發
姦伏眾懼相率斂跡履乃改崇寬大與民休息遷知
維州萊守欲責民償官驢孳息履諫之乃止又山東
民常以牛羊代秋稅履爲民計令其輸粟已而上官
令民送牛羊之陝西他縣民多被累濰民獨完 諸
葛阡字伯衡洪武初薦授雜造大使遷趙州吏目州
有建峯廟廟有青蛇入人家作崇阡斬青蛇罪巫者

浙江蘭谿人物考

士

民以不惑 潘燾字無愧以祖某廢知邵州時朱子
安撫湖南與周必大聯章推薦稱其以學問持身以
儒雅飭吏不鄙夷其民務先教化事至敏於決遣訟
庭日減郡囹屢空 姜廷器天順庚辰進士授山東
海甯知州興利均役加意備荒興學社之敎定婚姻
喪葬之禮又葺養濟院收養癯獨以卓異擢知贛州
深得民隱改丞平卒於官嘗大書榜公堂云治官事
如家事以民心爲己心時稱良吏 鄭宏道字克修
性至孝七歲能治湯藥萬厯甲辰進士授徽州推官
獻鞫明允郡無冤民有士子投謁門牆以一硯爲贄
發之則紫金也立召至卻而謝之時人歎爲廉 趙
年字有年成化乙未進士累遷都水司郎中管理五
城九門執法嚴正人目爲趙鐵面 胡僖字伯安嘉
靖己未進士累遷雲南僉事陞副使在任四年尚德
化弛刑罰深山窮谷中間胡使君名輒呼爲佛子公
性至孝母沒建思親橋以志痛至今名其地爲思親

橋云 童俊字邦英天順己卯舉人知嘉定其民事田獵不知耕稼俊教以力穡至今祀為稷神 吳靜

之嘉靖丙午舉人知彝陵州發廩拯飢加意學校籍境內良善割俸金分給以示旌勸去之日圖書數篋而已 徐用光號益庵嘉靖癸丑進士歷遷工部員

外郎督臨清磚廠謝絕一切漏規事竣陞屯田司郎中清人攀送百里外道 行李蕭然密戶獻贏金為湯藥資輒厲聲指衣曰我如此衣爾何以墨污之亟

持去 陸體仁號瑞峯震季子方震繫獄體仁年十五變服納橐館後有詔錄一子官諸兄讓體仁任通政司知事累遷漳州通判會浦城令缺吏治久弛上

官檄莅其事文書山積立為判決滌繁苛罷不急務動得樞要 祝戒字存禮洪武乙亥貢人太學授刑

部主事詳讞平允陞河南按察司僉事嘗鞫疑獄忽庭中作聲戒命之曰唯爾聲所指哀聲乃前導投入

古井旁遂得其骸寃乃雪 趙生字克長洪武間歲

浙江蘭谿人物考

七

貢授崇明知縣勤於撫字民歌曰我侯我侯來何遲昔年旱時民流離今年旱時民蚩蚩黍禾倍收民安

居 陸鳳儀字舜卿嘉靖丙辰進士任餘干知縣除火耗絕餽遺歲視賑飢全活甚眾遷文廟舊址振起

人文湖盜嘯聚開誠解散去之日民為樹碑 葉盛號虛室成化乙未進士知荊州地稱難治期月之間

百廢具舉次年旱且蝗禱雨兩降蝗絕有乘荒為變者計擒滅之飢且疫發金帛賑之沐水善泛作舟以

濟民懷其惠九載秩滿士民交章乞畱 趙崇善字石梁萬曆丁丑進士授婺源令平心決獄時行履畝

法不肯溢額民尸祝之 章拯字以道號樸菴宏治壬戌進士歷官至尚書理部事隆慶初贈太子少保

諡恭惠先是忤逆瑾謫梧州通判時土獠嘯聚馬平拯單騎往諭以義獠遂解散 徐學聚字敬輿號石樓萬曆癸未進士歷官至福建左布政會呂宋以泊

釁戕商民甚慘漳泉人請征之聚謂勞師海外非策

傳檄責問數年不敢窺內地閩人立祠尸祝焉天啟
間贈副都御史 唐韶字子和宋嘉熙四年以漕魁
中南省第二辟沿江制置司幹辦公事制使史岩之
使往襄陽勞師時元兵在境江面驛騷韶駕舟直上
使子良嗣率死士前進所向皆克徑造襄陽呂文煥
喜其能來置酒款之而外圍已逼韶與敵大戰中流
破賊而出 陳萍朱丞相宜中之姪司馬自中之子
元成宗時吐蕃強盛以萍領吐蕃宣慰使帥兵討平
之武宗朝以萍習知西事特命撫治邊陲初入境有
數千騎猝來萍令從騎解鞍列坐環重車如城郭左
右指揮外示閑暇敵莫敢前有以所戴白帽揭於竿
者萍引弓一發中之遂驚駭而遁由是諸部服從不
敢叛 祝珩字珍卿嘉靖壬午舉人補羅田令有剔
悍猾省供帳禁閉糴捐租稅賑濟飢民密緝羣盜諸
善績官聲藉甚他郡有滯獄不決者皆願就羅田請
平 唐邦佐字中廓隆慶戊辰進士授如皋令折獄

浙江蘭谿人物考

十三

明允一日宿僧寺假寐見被髮淋血者沒入樹下平
明發之得屍乃僧所殺遂真諸法又行途遙若有婦
人執詞訴冤者至澗邊心動令車涸其水見死屍鞫
知爲嫡妻所殺冤以得雪 鄭確號北園錡子也宏
治庚戌進士宰鄒平值歲飢檄乞官銀萬餘閱丁計
地限日至者卽給民賴以活徒跣往禱雨隨注奏治
行第一其父錡任靖江時務以平易立政德教道民
歲飢發廩賑恤靖人勒像尸祝之 章邁字景德述
弟也嘉靖己酉舉人授餘干縣性愷悌以寬柔撫下
遇禱雨輒應拜火返風築圩水南流以便民正學勸
士民戴之若父母與兄並以清德見稱於時按述字
景明嘉靖丙午舉人任漳平令嚴以律已寬以莅民
遷知化州俱以此著官聲 范溶字茂寬浚之兄練
熟吏事決獄詳明三爲刑官再治邑皆以平恕稱
美綱字幼章正德丁丑進士任南京刑部主事讞議
詳明嘗請除方遜志奴籍理高介夫冤訟每與時宰

不合歸植方竹於庭因自號方竹並自爲贊曰方不
就曲竹不諧俗知我罪我方竹方竹周韶字至和
宣德時以歲貢授青州通判廉以律身寬以御眾獄
無甯訟吏畏民懷當道屢以賢能薦陞松江同知
陸墩字温夫宏治壬午舉人授萬載知縣愷悌有爲
歲飢民多逋負移檄交至卽自祇繫曰無忍百姓流
離也調大庾民痛哭遮甯治大庾處劇以簡愛民禮
士敦雅有古循吏風去後民恒思之唐汝承字伯
寵事親善承色笑務得歡心嘉靖壬午鄉薦書沈潛
縝密正大光明八字爲座箴爲常州同知憫軍政之
弊殫心清刷而勾稽之法爲後所取則祀常州名宦
邵玘字以先永樂丙戌進士仕至南京都察院左都
御史在官以威嚴憚吏遇事善斷所至削妄費黜貪
庸能舉其職吳一本字子立隆慶庚午應天舉人
任廬谿知縣居官以恪慎聞諸葛峴號紫厓嘉靖
戊戌進士授潮州推官改鳳陽奏天下卓異第一居

浙江蘭谿人物考

古

官詳慎老成不好名而爲許不徇利而苟容

由政事而推文學則有范端

臣之詞翰絕倫陸信卿之學問超俗胡少室騷壇之

宗主應子和鴻博之詞科姜芳雅姜麟高二難擅文

章之譽童品精童琥博一時稱士論之公徐伯陽以

餘力爲詩而上規兩漢陸素菴以雄才善賦而下筆

千言方太古雅號工吟流覽得山川之助吳文可擅

名制作發揮探造化之微而且唐楚相之雄深以漢

製唐音而自競凌德容之殫洽凡天文地理之皆賅

淹通更有鄭興曾著芻蕘子集博識誰如盛夫能考
桂花詩碑至唐晉卿性義之精八句而猶好學陸葵
日聲華之重九歲而已能文諸葛鯨詩善言情多得
力於樂府金似孫詞工寫志足附列於風人吳濬仲
有家學之淵源陳三事而厚邀王眷杜仁翁以古文
爲弓冶逮五高而俱占上頭何況作天人合貫之圖
鄭聽菴則學窮理奧撰洙泗言道之錄董東湖則志
篤儒修邵今是著述不矜而刊三家禮範於學徐南
浙江蘭谿人物考

五

州詩文名世而纂五經講義之編千餘首史詠之多
徐見心有功名教三十卷詩傳之補范處義思翼遺

經豈非謂經術詞章本無異致儒林文苑原可同歸

者耶此又歷代文士之可攷者也

范端臣字元卿紹興甲戌登第累官

至中書舍人右吏自號蒙齋學者稱蒙齋先生吳師道言其天才雋逸詞翰絕人有詩文集三卷出入諸家卓然名世陸瑞家字信卿號古臺藏書甚富建樓名萬書樓所交皆名達學問迥別流俗著有遺野集古臺集學契等書胡應麟字元端自號少室山人萬歷丙子鄉薦嘗以詩謁太倉王世貞收之五子之末世貞歿入新都黃道昆白榆社道昆歿應麟稱老宿至詩壇諸詞客接踵來娶著有少室山房稿詩

藪筆叢等書 應鏞字子和宋慶元五年進士又登

博學宏詞科所著有書約義禮記纂義應子和集

姜芳字實夫麟從弟宏治乙卯鄉薦任廬陵教諭後

居憂起敎蕭縣九年考績以文章典雅德器純粹書

上考 姜麟字仁夫成化丁未進士仕至四川按察

司僉事少從楓山游嘗與從弟芳及董遵講明理學

其心胷宏闊論議高古以學問文章名一時著有姜

仁夫集 童品字廷式號慎齋凡五應試五易其經

登宏治丙辰進士授南武庫主事陳治安十策多見

采行所著有周易羽義四書旁註春秋辨疑禮記大

旨學庸大義正蒙發微含章子集金華文獻錄等書

童琥字廷瑞宏治庚戌進士官至按察副使博極

羣書而寄情山水多見於詩著有梅花集句和百詠

梅花詩寫懷釣臺拾遺諸集士論評其家學精則童

品博則童琥兼之者俊也 徐應亨字伯陽萬歷乙

卯舉人授增城教諭以母老乞量移改授慶元幼聰

慧讀書過日輒成誦肆力於經傳子史旁及天文地

理名物度數以至禮樂兵刑漕運水利之類靡不研

究而尤專性命之學以其餘為詩多返古正始之音

分別漢魏以下諸家體製擬作殆徧所著有吳越集

樂在軒十笏齋南越羅浮等集 章贇字思敬號素

菴生而穎異捉筆數千言豪氣雄情高視闊步正德

時天下多事作鑄劍賦數千言春容浩瀚以見所存

嘉靖壬午發解未第而卒著有素菴集 方太古字

元素自號寒溪子明博士員壯游三吳八閩歷探匡

廬九華秣陵之勝好吟詠一時名輩爭相引重在吳

中與姑蘇楊循吉徐楨卿都穆沈周文徵明相唱和

而詩益進入閩林壑一見莫逆為作錦囊十詠贈之

著有易經發明理學提綱寒溪子集 吳景奎字文

可元季不仕好為詩嘗苦吟索句雨濡其衣弗覺也

所著有葯房樵唱宋濂為序有云公以雄逸之資濟

通明之識著於篇翰規放風雅鼓動江山之氣發揮

造化之微可謂壇名制作之林競爽藝文之場者也

唐鉞字君錫嘉靖壬午舉人後為楚府長史博通

羣籍自天文地理兵刑歷律諸書靡不探究其原委

為文雄深爾雅有西京體詩操唐音以自競於古作

者有唐楚相集凌瀚字德容平居嚴義利之辨嘉

靖乙酉以易魁兩浙肆力學問凡天文地理名物度

數以至禮樂兵刑漕運水利之類靡不究心兩應聘

典山東廣西試陞周府紀善著有羣書類考太平策

畧邵武泰定等誌金華正祠錄等書鄭興字誠夫

號坦山人元末未仕著有讀史餘論獨學稿考志

集芻蕘子集後其子宣孫編為一書名曰芻蕘集

盛夫字正卿號蓉峯元太學博士吳碧溪嘗得宋高

宗大字草書桂花詩碑本夫能考知其為某年月日

賜某者吳師道深歎其博識有月泉書院詩唐晉

卿字景文宋提刑司良驥孫也年八十好學不倦著

有性極精義之書陸可教號葵日幼英敏日誦數

浙江蘭谿人物考

七

千言九歲能屬文萬歷丁丑進士仕至南京禮部右

侍郎天啟初賜祭葬贈禮部尚書在館閣所撰作典

贍詳整為時所重有葵日集諸葛鯨字騰甫嘉靖

間以諸生貢入太學徧游南北窮奇探幽多發於詩

而工於言情得力於六朝樂府著有漫游雜稿黔中

集問華子集金似孫少雋敏強記工舉子業元初

文科廢一意於詩吳師道稱其觸事感時足附於風

人之列喜植蘭自號蘭庭有金蘭庭詩集吳沉字

濬仲師道子與兄深字源伯傳其家學名重一時明

太祖下婺召沉為郡學訓導累擢至東閣大學士初

謂沉曰聖賢立教有三曰敬天忠君孝親散在經卷

未易會其要領爾等以三事編輯後書成賜名精誠

錄命沉撰序又嘗撰千家姓進御所著有應酬稿激

川集等書杜汝霖字仁翁學於胡安定善古文甚

為李公擇所稱孫陵克傳家學生五子旗伯高旃仲

高旂叔高旄季高旻幼高皆博學以古文擅名人稱

爲金華五高葉正則贈幼高詩有云杜子五兄弟詞
林俱上頭 鄭綺字威甫號聽菴成化乙未進士其
學根柢六經博綜子史而尤邃於易嘗作三才一貫
之圖 董遵字道卿號東湖受業於楓山潛心理學
篤志力行江右胡東洲督學禮爲浙東奇士貢入禮
部試居首選所著有洙泗言道錄金華淵源錄及東
湖文集 邵困字萬宗朱清熙八年進士授彬州教
授改潭州朱子帥湖南薦其學行嘗以張敬夫所次
三家禮範刻之學宮朱子亟稱其意美所著有曲禮
王制樂記大學中庸解五篇及讀易管見今是堂遺
稿等書當奉祠家居名其堂曰今是後人因稱爲今
是先生 徐原字均善號南州博洽羣書以詩文名
世明太祖下婺命原與吳沉同爲郡學洪武初徵授
翰林院待詔歷主福建江西試事所著有五經講義
強學齋文集 徐鈞字秉國號見心以父廕爲濠州
定遠尉宋亡不住以史籍自娛著史詠一千五百三

浙江蘭谿人物考

末

十首皆取通鑑所載歷代君臣疏其大較定其得失
復從而長言之許白雲稱其有功名教張樞黃潛皆
爲之序 范處義字由中宋紹興甲戌進士歷官至
右文殿修撰中奉大夫蘭谿開國男食邑三百戶所
著有詩傳一卷詩補傳三十卷解頤新語十四卷其
詩補以小序爲據而兼取諸家之長當南渡之初最
攻序者莫如鄭樵最 或者謂白露山前舒丞相之遺
尊序者莫如處義

墳尚在紫巖鄉裏滕庶子之故宅堪尋一則有給券
之榮一則有捐軀之節彼流傳之有素胡徵攷之皆

忘不知時代般遙徽音散落西安寺之碑文屢易東
陽志之紀載紛歧曰竹隊曰竹埭操時俗之土音而

世將誰辨爲滕珣爲滕白問梵宮之地主而佛不能
言斯固取信之無從所以缺疑而有待也抑豈若李

坦之之妙句可賡跡難埋滅徐安貞之舊居足證事

在當稱者乎 舒元與唐元和間進士仕至同中書門下平章事殉甘露之難世傳其墓在白

露山下惠安寺後地名竹埭保而郡志但云元與爲

婺州人不言其墓所在續志載東陽有元與祖墓而

下有闕文於蘭谿載唐相元與墓在西南二十五里

竹隊近年耕者得小石碣上有刻字蓋元與墓也據

此則埭與隊字別而音相同似其墓確在蘭谿矣然

今東陽縣新志於元與祖墓下所敘之說悉與續志

所載蘭谿事無異在彼在此仍有可疑者 滕珣唐

太和初以太子右庶子致仕四品給券還鄉自珣始

浙江蘭谿人物考 元

世傳紫巖鄉西安寺謂唐滕珣致仕賜新第於白沙

乃捨故宅爲寺而請賜額詔命西安自爲文以記其

事其石刻久已無考近有見寺中斷碑爲宋應鑄記

文亦謂唐大厯中有庶子滕君珣捨宅爲寺與世傳

相同則似珣固蘭谿人矣然洪遵郡志則以爲東陽
人又載西安寺碑爲唐右庶子滕白文豈珣與白各
爲一人而其官相同故世俗誤傳耶抑本一人而珣
字偏旁與白相類故致訛耶均當俟考 李坦之元
季人胡少室云勝國吾鄉詩人若于介翁李坦之皆
新拔多奇句于在元頗知名坦之殊沒沒吳正傳詩
話載其詩數首甚佳而世無稱者元諸家詩選亦絕
不收良可慨歎 徐安貞唐神龍二年進士官至工
部侍郎封東海子舊名楚璧賜名安貞善五言嘗應
制科一歲三上俱及第吳師道稱其在唐以文顯郡
志明載安貞本鳥傷人其地後屬長山縣今爲蘭谿
而信安志又以爲龍游人緣安貞嘗肄業於九峯山

有讀書巖木案石牀猶存焉其山雖當兩縣交界而當時實屬蘭谿今則分於湯溪安貞固係邑人矣

至於徐南夫以文武兼材而高伉不仕趙心梅以泉

石適性而榮利勿親甘斗室之蕭條徐袍之生平淡

泊造樓臺而無地范鍾之作相清真章無逸有夷齊

之遇詩酒與終于介翁當元宋之分山林可曠邱履

常則興寄高蹈斷薪米而晏如吳破瓢則思免低眉

飽齋羹而已足是皆清標碩德亦當表微聞幽者矣

徐畸字南夫自幼穎敏絕倫力學好修爲文雅贍有法隱居教投學者稱爲天民元乾道間詔求賢良有

浙江蘭谿人物考

三

司以喻應詔力辭不受葉水心稱其弓兩斛力射命中文章得歐曾筆外法吳師道稱其材兼文武卒以不仕亦高伉之士也趙崇德號心梅萬厯丁丑進

士性狷介不近榮利隱居獅山綠雲菴以泉石爲娛詩雅淡率真不事雕琢徐袍字仲章號白谷嘉靖

甲午鄉舉少慕董道卿之爲人崇尚正學尤嚴義利之辨一介不苟生平淡泊自甘斗室隘巷綽如也

范鍾字仲和宋嘉定元年進士歷仕至淳祐三年特拜左丞相兼樞密院使封東陽郡公六年乞歸八年

薨於金華驛史臣稱其爲相清真守法重惜名器當時誦公德者有云袞繡之歸問館於驛邸衣冠盛事

此再見無地起樓臺丞相也章有成字無逸美鬚髯號髯翁楓山之曾孫事母孝篤志讀書學博才贍

工詩尤善鍾王筆法爲明諸生明亡與同邑趙涓吳

鯤范開文爲詩酒社吟嘯以終于石字介翁號紫巖貌古氣剛喜談諧宋改物後隱居不出一意於詩

出入諸家豪宕激發氣骨蒼勁望而知爲山林曠士
邱一中字履堂能文章有聲望元仕武學博士居
恆薪米不繼晏如也其詩有云陶醉猶能麾客去顏
饑何至乞人憐又云餓死亦堪垂不朽無緣個個耳
貂蟬其志操可見矣吳孺子字少君別號病鶴少
時父課以舉子業不悅也獨悅少陵詩長好離騷老
莊爾雅喜遨遊足跡徧東南有一大瓢摩抄如玉所
至持攜過荆溪遇盜破之抱瓢泣數日夜乃去晚自
號破瓢道人嘗居僧寺自炊一銅甕飯不足則舖糜
日費兩錢菜分幹葉爲齋羹語人曰免吾低眉向人
勝飽於梁肉耳隆慶末卒年八十有二王元演綸數
美兄弟趙汝師等咸推其爲高潔寡欲之士

典未能狐疑莫析敬鄉有志獺祭難工願以采逮菲

葑詎敢誼忘桑梓用是摭拾陳編企瞻懿行儷其辭

浙江蘭谿人物考

三

以比其事取其大而節其繁雖不若郭潤卿之博覽

集成鄉哲遺珠爰竊附徐師且之虛懷編纂景賢紀

畧終虞墨漏無當考稽噫徐原性之已亡久缺金華

獻徵之錄江伯容之不作誰撰蘭皋風雅之篇也哉

吳師道有敬鄉錄敬鄉外錄凌瀚有敬鄉續錄郭
潤卿有鄉哲遺珠集徐師且有景賢祠錄鄭瓘序

云鄉賢自宋至今除專祠者外僅二十二人名宦自
唐至今僅五人總二十七人耳徐君師且邑之知典

故好紀述者也列二十七人之姓名於冊而各疏其
狀之畧於下名之曰景賢祠錄按其祠卽今學門左

之鄉賢名宦祠也徐與參字原性萬曆癸未進士
少穎異性簡曠博洽多聞著有金華獻徵錄江伯

容字有量萬厯間築室澱濱之東曰青蘿館絃誦其中撰次蘭谿歷朝詩十二卷曰蘭皋風雅鄉里前喆賴之以傳

浙江蘭谿人物考

臨水

光緒六年庚辰二月望日予蒞任蘭谿索邑志書不
可得循舊舉行觀風集合邑生童於雲山書院扁試
除四書詩外命題有蘭谿人物考得吳晴颿學博卷
自宋以來考覈精晰數百年賢豪英傑條舉不遺其
為文亦清疏豁目拔置第一名予惟表彰善行固有
司事也士在上則以勲業致承平在下則以文行助
教化激水靈秀鍾毓寔繁是不獨為一邑光直可使
天下後世人心觀感興起因屬晴颿詳加牋註付諸
跋

梓民現奉檄纂修志乘他日志成輔以此書行傳於
世益增色矣署理浙江金華府蘭谿縣知縣湘潭秦
簧謹跋

